

ماما
سهام عثمان

حواديت للقطاقيط

قصص للأطفال

صدرت الطبعة الأولى في أكتوبر 2019



ماما سهام عثمان

بطاقة الكتاب

عنوان المؤلف	حواديت للقطايط
المؤلف	سهام عثمان
التصنيف	قصص
رقم الإيداع	19462 - 2019
الترقيم الدولي	978-977-6726-91-8
رقم الإصدار	512 الطبعة الأولى سبتمبر 2019
عدد الصفحات	40 صفحة
المقاس	25 x 17
الغلاف والإخراج	مؤسسة النيل والفرات

جميع حقوق الطبع والنشر محفوظة للمؤلف، ولا يحق لأى دار نشر طبع ونشر وتوزيع الكتاب الا بموافقة كتابية وموثقة من المؤلف

مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: 13242 / 2017 - بطاقة ضريبية: 572-01-35
 عضو عامل باتحاد الناشرين المصريين رقم 941 لسنة 2018
 هاتف: 01011256943 - 01116202218 - 01202541192 تليفاكس: 020554372901
 nagyegy200064@gmail.com **النيل والفرات** **alnilwaalfourat** **alnilwaalfourat@gmail.com**
 المقر الرئيسي: ج.م.ع محافظة الشرقية - العاشر من رمضان - مجاورة 13 - امام سنتر الـ 13 - عقار 304

الصدق منجى



السلام عليكم ورحمة الله
وبركاته

أحبائي الصغيرين أحترت فى
كتابة القصة وكأنها صفة

صعبة برغم أنها سهلة وبسيطة لكن اللى تعبني إنى أكتب
لكم اللى يوصل لكم المعنى (الصدق راحة للضمير)

كان يا ما كان ولد جميل أسمه (مازن) من بيت بسيط وعيلة
ميسورة الحال كان مجتهد فى دراسته ويحب مدرسته جدا
كل الصفات الجميلة موجودة فيه ولكن كان فيه عيب خطير
وهو أنه كل أصحابه من طبقة راقية وده كان بيألمه ولذلك
كان مفهمهم أنه والده من أغنياء البلد وكانوا أصدقاءه

بیتعاملوا معاه على هذا الأساس مازن بیعمل كل جهده
ویحوش مصرفه ومیصرفش علشان یبقى معاه فلوس کثیر
ویصدقوا أصحابه أنه غنی وکل يوم قبل ما ینام ضمیره
یألمه ویلوم نفسه على الکذب اللى بیکنبه وفى يوم من
الأيام غاب مازن عن مدرسته يوم وأثنين وراح والده
یستأذن مدیر المدرسة إن مازن یستريح فى البیت أسبوع
بسبب مرضه وأستاذن مدرس الفصل إنه یتعرف على أقرب
أصدقائه علشان یبقى یدى مازن الدروس اللى هتفوته

وقف المدرس وقال

-أقرب صديق لمازن یتفضل قدامی

خرج 2 من أصدقائه ووقفوا قدام المدرس

-إحنا أقرب اصدقائه ..أکید حضرتك عم علام سواق عربية
مازن أستعجب الأب وقال سواق عربية هو قال لكم کدا
....لا یا أبنى أنا والده

إحمر وش الأولاد

- أحنأ أسفین یا عمو ماكناش متوقعن إن حضرتك تیجی
بنفسك

- لا یا حبابیی إحنأ ناس بسطاء معندیناش سواق علی
العموم أرجو أنكم تقفوا جنب صدیقم فی محنته ولو فیها
تعب علیكم یومیا تزرؤه وتشرحوله الدروس اللى فاتته وأنا
مستنى زیارتكم النهاردة بعد المدرسة وتكونوا معرفین الوالد
والوالدة علشان میقلقوش وده العنوان .السلام علیكم

- استغریوا الأولاد وسألوا بعضهم هو لیه مازن کذب علینا
وفهمنا أنه من عیلة غنیة؟

وبعد المدرسة راحوا الأصدقاء لبیت مازن علی العنوان
وأستقبلهم بابا مازن بكل ترحاب ولما دخلوا علی مازن بص
لهم بأستغراب وإحمر وشه من الکسوف ویص لوالده وبص
فی الأرض مکسوف

- مالک یا مازن مکسوف من أیه أرفع راسک یا مازن

- أنا الأسف يا بابا أنا اسف يا أصدقائي أنا مش وحش أنا
إنسان كويس والله ووالدى زى ما أ نتوا شايفين رجل فاضل
أنا اللى غلطت ماكنش لازم أكذب ولا أظهر بصورة غير
صورتى أنا أصلى بحبكم وخوفت تبعدوا عنى بسبب فقرى

- أنت أزاى تفكر..أنا بنقيم الإنسان بماله أحنا بنحبك
لحسن أخلاقك وتربيتك الكريمة

- أنا أسف يا اصدقائي ..وأسف يا والدى أنا غلطان وأنت
أحسن أب فى الدنيا

- لا يا مازن كلنا بنغلط لكن المهم نتعلم من غلطنا والكذب
عمره قصير والصدق بينجى من جميع المواقف المحرجة
..ومن بكرة تفهم كل أصحابك حقيقتك وتفتخر بأن والدك
رباك تربية ممتازة .

- طبعا أنا فخور ببك يا والدى وأكيد هتعلم من غلطى
وعمرى ما هكذب مرة ثانية

- برافوا يا مازن ...الصدق منجى آمال البرتقال فين ؟

ضحكوا الأصدقاء وضحك مازن واخذ دروسوا من أصدقائه
وقال ربنا ميحرمنيش من صداقتكم

دخل الأب

- أتفضلوا يا ولاد البرتقال

لما شافوا الأصدقاء البرتقال بصوا لمازن ووالده
وضحكوا بصوت عالى . يا رب أكون قدمت لكم حدوته حلوة



الاحسان



مؤمن ولد جميل
ساكن مع والده
ووالدته وأخوه محسن

يومية مؤمن يصحى

يصلى الفجر مع والديه ويقرا قصار السور من القرآن

ويقعد يذاكر دروسه علشان يبقى نشيط ويتنفس او كسجين
نقى ويبقى كله حيويه

يفطر مؤمن ويشرب اللبن ويلبس وياخد سندوتشات الجبنة
الى بيحبها ويجرى بسرعة على مدرسته

أه نسيت أقولكم أن مؤمن دايم يدفع فى تبرعات المدرسة
للفقراء من مصروفه الشخصى

وفى يوم من أيام المدرسة لقي أكثر من تلميذ جاى
المدرسة بهدوم قديمة وجزم مقطعة وكمان خفيفة والدنيا برد
جداً

مؤمن رجع البيت وهو حزين وزعلان من اللى شافوا وقعد
يلوم نفسه

- أزاى أنا مأخذتش بالى من الموضوع ده أنا كدا أبقى
مقصر تجاه الفقرا أنا غلطان .. أكيد غلطان

مؤمن فتح دولابه لقي عنده خمس جواكت وحوالى تسع
بنطلونات وبلوقرات كتير

مؤمن قفل الباب على نفسه وفضل يبكى ويستغفر ربنا وهو
بيصلى العصر.. بابا دخل يطمئن عليه لقاه فى حاله حزن
شديدة .. أستعجب باباه وقاله

- مؤمن مالك قافل الباب عليك وقاعد زعلان ليه وبص
باباه فى عنيه لقاهها كلها دموع فسأله

ياااه أيه يا مؤمن يا حبيبي اللي مزعلك لدرجة إنك بتبكي
بحرقه كدا ؟ وأخذه فى حضنه وطبطب عليه وهواه وطلب
من ماما تعمله كوباية ليمون تروق أعصابه

وبعد ما مؤمن شرب الليمون قاله

-أيه بقى يا حبيبي اللي مزعلك

قام مؤمن وفتح دولابه وقاله

- هو ده اللي مزعلنى يا بابا

- أيه الدولاب والا الهدوم؟ مش فاهم

- لا زعلان أن كل دى هدوم عندى وليا أصحاب فى
المدرسة مش لاقين جاكيت ولا بلوفر يذفيهم وحاسس بالذنب
من ناحيتهم وواجب عليا أنى أخذ من هدومى وأدى
المحتاج علشان ضميرى يرتاح لازم أحسن للفقرا وأساعدهم

- ياه بس كدا ولا تزعل يا مؤمن

خد اللى أنت مستغنى عنه من ملايسك وأهديه للمحتاج ولا
تزعل نفسك

-أنا فعلا كنت هعمل كدا يا بابا بس دا مش كفاية أنا جت
لى فكرة يا رب تعجبك

- قول يا حبيبى

أنا هعمل حملة للإحسان فى المدرسة وكل اللى عنده حاجة
مستغنى عنها يجيبها مش بس هدم لا وجزم وكتب وأدوات
مدرسية لأن فيه أصدقاء بيبقى معاهم بدل الأدوات أتتين
وتلاثة وعشرة وفيه برضوا اللى بيتضربوا كل حصة علشان
معندهم مش مقدرة يجيبو الأدوات المطلوبة

- دى فكرة هائلة والله يا مؤمن وأنا من ناحيتى هجى
معاك بكرة نعرض الفكرة على الأخصائى الاجتماعى
وتبدأ الحملة وتانى يوم بابا مؤمن راح معاه المدرسة
وقابل الأخصائى وعرض عليه فكرة مؤمن. والمدرس
رحب جداً بالفكرة ووعد أنه هيجيب كشف بأسماء
التلاميذ الغير مقتدرين ويعمل ركن فى حجرة الملابس

الرياضية ويسميه ركن الأحسان وبدأت الحملة ومعظم
الأولاد بقوا لابسين وشكلهم منسق ودفينين وأتغير
الشكل العام لتلاميذ المدرسة وطلب الأخصائي من
مؤمن يستعد علشان يكرمه فى طابور الصباح على
فكرة ركن الأحسان لكن مؤمن أعتذر بأدب وقال
للأخصائي أنا عملت كدا أبتغاء مرضاة الله ومرضاة
ضميرى وأنا مش ممكن أنتظر شكر على الأحسان
لأن صفة الأحسان دى لا بد تكون صفة المسلمين
جميعا وعجز الأخصائي عن الرد على مؤمن وقاله
بارك الله فيك يا مؤمن وجزاك الله كل خير



النظافة



حبايبي الحلوين اللي دايما
منورين مساء معطر
بالياسمين على روح قلبي
الصغيرين

عمرو ولد مهذب ومؤدب ويحب النظافة ويحب يرتب كل
شء فى مكانه وده لأنه مرتب جداً وغير كدا متميز فى
مدرسته ومتفوق فى دراسته.

عمرو صحى من نومه على فكرة شاغلة باله بقالها فترة
وقرر يقولها للأستاذ نعيم أستاذ التربية الدينية فى
المدرسة..عمرو صلى الصبح وشرب اللبن وأخذ شنطته
وسندوتشاته وباس مامته ونزل بسرعة يستنى الباص قدام

عمارته ..ولما وصل المدرسة قوام جرى على فصله وأنتظر
دخول الأستاذ نعيم اللى عليهم أول حصة.ولما دخل الأستاذ

- السلام عليكم ورحمة الله وبركاته

- وعليكم السلام ورحمة الله وبركاته

وقبل ما يبدأ الأستاذ نعيم بالكلام رفع عمرو أيده علشان
يعرض على الأستاذ فكرته.

- من فضلك يا أستاذ ممكن أتكلم فى شىء بقاله كام يوم
شاغلنى؟

- اتفضل يا عمرو عايز تقول أیه

- أنا بصراحة يا أستاذ شايف أننا المفروض نهتم بنظافة
مدرستنا زى ما بنتههم بنظافة بيوتنا ونهتم بنظافة شوارعنا
زى مانههم بمدارسنا وبكدا طبعا

تنظف قريتنا وأكيد محافظتنا وبالتأكيد دا هيعود على بلدنا
لأن النظافة أساس التقدم ..فرجاء خاص يا أستاذ نعيم
تساعدنى لتحقيق حلمى .

أبتسم الأستاذ نعيم وقال

- كلنا نصقف لعمره يا ولاد أنت فعلا ولد ممتاز .أيه
المطلوب منى بالظبط وأنا أعمله.أنت أكيد مرتب أفكارك وأنا
أحب أسمعها

- أنا من رأيى أن حصة النهاردة بعد أذنك تكون عن
النظافة وده للتوعية على مستوى الفصل وفى الأذاعة
المدرسية اثناء الفسحة وفى طابور الصباح ويا ريت لو
نكون فريق فى المدرسة باسم أبدأ

بنفسك وحافظ على نظافة بلدك ونقوم بعقاب كل تلميذ
يحاول يرمى حاجة فى الأرض أو يشخبط على حيطان فصل
أبسط شىء نقول أسمه فى طابور الصباح ونخرجه قدام
أصحابه ومدرسينه

بص الأستاذ نعيم لعمره بكل تعجب وسعادة لأنه عمره
ماكان يتوقع أن طفل فى سنه يفكر بالشكل دا وبكل سعادة
قاله

- أنا فعلا سعيد جدا ببيك ومش عارف أكفأك بأيه

أبتسم عمرو وقال أنا مكافأتى الوحيدة أنى الاقى حلمى
أتحقق مش بس فى المدرسة لا .وفى الشوارع كمان
وعلشان كدا لازم نلم من بعضنا ومدرس النشاط يكتب لنا
لوحات توعية ونعلقها فى الميادين والأماكن المفتوحة
ونعمل حملات نظافة وكل واحد يبدأ بالشارع اللى ساكن فيه
ولو شفنا أى حد بيرمى زبالة أو يقطف وردة أو يشخبط ع
الحيط أو يبصق على الأرض ننبيهه أن ده غلط وأظن أنه
هيتخرج أنى أصغر منه ويقوم بتوعيته وفيه أفكار كثيرة جدا
ماليا دماغى لكن أنا حاسس أنى تعبت حضرتك معايا أنت
وأصدقائى .

وقف المدرس احتراما وتقديرا لعمرو وذوقه وقاله

بالعكس يا عمرو أنا بحبك يا أبنى على أفكارك الجميلة
ويقول للفصل كله

-حيوا معايا صديقكم عمرو وصقفوا له وإن شاء الله هكتب
أسمك فى لوحة الشرف الخاصة بالمدرسة وأن شاء الله
ننفذ فكرتك ونطورها يا عمرو

وبكدا يا أصدقائى بدأ حلم عمرو يتحقق ويا ريت نتعلم منه
أن النظافة عنوان التقدم وعلشان نتحلى بالصفة الجميلة
دى لا بد نقتنع بكلامه(أبدأ بنفسك)

صفة النظافة لازم نحبها.



وردة ريم



ريم بنت لطيفة بتسمع الكلام
وتحب تتعرف على كل شىء
حولها ويتسأل عن كل حاجة

فى يوم من الأيام صحيت ريم من نومها وفتحت شباك
أوضيتها اللى بيطل على الجنينة .. وفجأة ..

إتفاجأت ريم وأبتسمت والفرحة بانته على وشها الله أيه
الجمال ده .. وردة فتحت فى جنينتى . ويسرعة جريت ريم ع
الجنينة ووقفت تكلم الوردة

- صباح الخير . أنتى جميلة أوى يا وردة ولونك جميل
.. أهلا بيكى فى جنينة بيتنا (ومدت ريم أيدىها علشان
تقطف الوردة)

الوردة مالت شمال ويمين وقالت

- لالالايا ريم أرجوكى متقطفنيش

- ليه؟

- أنتى عايزة تقطفينى ليه؟

- كنت عايزة أحطك جنب سريرى أو على مكتبى وأزين
بيكى أوضتى... أنتى ليه خيفة كدا

- أنتى كدا هتموتينى ..يرضىكى يا ريم أول يوم أفتح فيه
للدنيا أموت؟.

- لا طبعا ميرضنيش...لكن أنا بشوف أطفال كتير بيقطفوا
الورد ويشموه

- دول قاسيين يا ريم

- أزاى

- أنا هقولك

أنا دلوقتى فى البستان بتفرح بيا الفراشات ..والنحل
بيستنشق رحيق ويحوله لعسل بياكله الإنسان ..ده غير
إنى بنشر عطرى فى المكان وبديله منظر جمالى ..شوفتى
فايدتى فى مكانى أد أيه...لكن أنتى لما تقطفينى هتخطينى
فى كوباية مية

وهتزينى أوضتك وهتستفيدى منى لوحدك وعمرى هيقصر
لأنى مش فى أرضى ولا بيئتى يرضيكى تموتينى يا ريم؟
- لا طبعا أنا أسفة مكنتش أعرف أنى لما أقطفك
هقتلك..طب تسمحيلى كل يوم أنزل أقعد معاكى وأستمع
بريحتك الجميلة

- أه طبعا أنا موجودة هنا علشان كدا..وعلى فكرة أنا
سعيدة أنك بتسمعى النصيحة .

- طب بعد أذنك أنا هرجع أوضتى علشان أرتبها قبل ما
مامتى تحضر لى فطارىسلام يا وردتى

- سلام يا ريم

توتة وعرايسها



توتة بنت صغنتوتة
عندها لعب كثير ماليا
أوضيتها

توتة بتحب تستكشف وتفتح اللعب وتكسرهما لما بقت
الأوضة مليانة لعب مكسورة

وف يوم من الأيام عمو عز رجع من الخارج وحب يزور
الأستاذ عادل أبو توتة وأخذ هدايا العيلة وبالتحديد عروسة
جميلة وأرنوب ظريف ودبدوبة أمورة وأخذتهم توتة ولأنهم
لسة لعب جديدة حظيتهم فوق رف مكتبتها وكمان من
فرحتها بيهم أختارت لهم أسماء الفاكهة اللى بتحبها
أختارت للعروسة (خوخة) والأرنوب (مشمش) والدبدوبة

(تفاحة) وبعد ما سمتهم وكلمتهم راحت تقعد مع عمها عز
علشان تشكره على الهدايا الجميلة ولأنها مش بتشوفه غير
كل فترة طويلة وفي الوقت ده دار حوار فى أوضتها بين
عرايسها

خوخة - أيه ده البنت اللى أسمها توتة دى باين عليها
مهملة جدا وواضح أنها مش بتحافظ على لعبها وبتكسرهما
وزى مكسرت كل ده

هتكسرنإ إحنا كمان

مشمش - عندك حق طيب وأيه العمل؟

تفاحة - يا خبر دا إحنا وقعنا فى خبر كان بعد ما كنا
قاعدين على رف فى محل اللعب وكل يوم صاحب المحل
بينضفنا من التراب

وتهش من حولينا الحشرات...بعد كدا نيجى لتوتة المهمة
..لازم نفكر فى حل ..بدل ما يبقى مصيرنا زى اللعب دى

خوخة- أنا جت لى فكرة أحنا طبعاً مش هنعرف نخرج من الباب... لكن ممكن ممكن نستخبى ونسيب ورقة مكتوبة

نكتب فيها لتوتة ونقول لها أننا خوفنا من إهمالها وسبناها ومشينا ومش هنرجع لها تانى الا لما أوضيتها تبقى نظيفة وتحافظ على لعبها وتبطل إهمال ..

وأتفقت خوخة وأصحابها يتداروا ورا المكتبة وميخرجوش إلا لما يشوفوا توتة هتعمل أیه

ودخلت توتة الأوضة وبصت ع اللعب ملقتهاش .. دورت فى كل كمان لحد ما لقت رسالة ع المكتب مكتوب فيها طلباتهم توتة بكت وقالت يا خسارة اللعب سبونى ... للدرجة دى أنا وحشة أنا فعلاً غلطانة وعلشان كذا لازم أغير من نفسى وأحافظ على لعبى وأنصف أوضتى وبسرعة توتة لمت كل اللعب المكسورة وفرزتها اللى ينفع حطته فى صندوق اللعب والمعدوم حطته فى صندوق الزبالة ورتبت حاجتها وحطت كل حاجة فى مكانها وبقت أوضتها جميلة ومرتبة ونظيفة ولما دخلت مامتها مصدقتش إن دى أوضتها وقالت

الله أيه الجمال ده يا توتة لازم فيه سر

توتة - أيوة يا ماما السر أن اللعب اللي جبهالى عمو عز
سبتنى ومشيت بسبب إهمالى ووعدونى لو بقت أوضتى
نضيفة ومرتبة وحافظت على لعبى هيرجعوا تانى وأنا والله
يا ماما عمرى ما أهمل فى لعبى وأوضتى خالص (خوخة
من ورا المكتبة شاطرة يا توتة فعلا النظافة من الأيمان)

وفجأة خرجت خوخة وأصحابها وهما سعداء وفرحت توتة
باللعب ومامتها سعيدة بالصفة الجديدة اللي أكتسبتها توتة
والفضل يرجع لخوخة ومشمش وتفاحة وبسرعة توتة أدت
لكل لعبة بوسة وحطتهم بشوئش فى المكتبة ومن يومها
بقت توتة منظمة ونظيفة وعرفت إن المسلم لازم يكون
نظيف لأن النظافة من الأيمان.



وتوتة توتة فرغت الحدوتة

أمانة... مى



أصدقائى الحلويين

كان فيه بنت جميلة إسمها مى
ومى يا أهدقائى بتعيش فى بيت
بسيط مع أسرتها الصغيرة المكونة
من أختها ضى وأخوها لوى ووالدها
عم عبد الحى بائع متجول ووالدتها
الست صفية ست بيت بسيطة ورغم

فقرهم الا أنهم بيتصفوا بالقناعة والرضا بما قسم لهم ربنا
عز وجل وكل الأولاد فى منتهى الأدب ومتفوقين فى
دروسهم وسعداء بحياتهم

مى كانت تلميذة فى مدرسة قريبة من بيتها وكل يوم
الصبح تلبس مريلتها و تاخذ شنتطها ويسرعة تجرى على
مدرستها والنهاردة فى وسط الحصة الثانية دخلت الإداريه

المسئولة عن مصاريف الكتب والمدرسة ونادت على
أسماء التي لسة مدفوش المصاريف وكانت من ضمن
الأسماء(مى عبد الحى)وقالت لهم المدرسة لو سمحتوا يا
بنات التي مدفعتش المصاريف تعرف ولى أمرها وتجييها فى
خلال يومين مفهوم

ردوا البنات مفهوم يا فندم

ولما مى رجعت البيت قالت الكلام دا لمامتها الست صفية
ولما رجع أبو مى من العمل كان باين عليه التعب والأرهاق
وطبعا الأم مقدرتش تقوله على موضوع المصاريف قبل ما
يرتاح من المشوار ويتشطف ويتغدى ولما عمل كل ده
قالتله على المصاريف فحزن الأب وأحтар منين أجيب
المصاريف وأنا دخلى على قده طيب يا مى ممكن تستأذنى
المدرسة تصبر عليا أسبوع ولا أنتين ..مى قالت لباباها أكيد
يا والدى بكرة هقولها وربنا إن شاء الله هيرزقك أنا مش
عايزاك تضايق نفسك

- ولا يهمك يابو مى ربنا مبينساش حد

وتانى يوم راحت مى للمدرسة وطلبت منها تأجل دفع
المصاريف أسبوع أو إثنين بناء على طلب والدها

ولكن المدرسة قالت لها وهى محرجة أنا أسفة يا مى أنا
ممكن أستنى يومين أو ثلاثة بالكثير لأنى ملتزمة بموعد
لتوريد المصاريف ورجعت مى البيت وهى زعلانة لأن باباها
هيزعل من اللى قالتة المدرسة وهى ماشية لقت راجل بيدور
على محفظة كانت معاه وفجأة ملقهاش والراجل شكله كدا
محترم

- غريبة أنا متأكد إنى نازل المنطقة ومعايا محفظتى أزاى
كدا فجأة ملقهاش ردعليه صديقه

- أيوة يا عادل هى كانت معاك عند كشك السجاير أنت
محاسب منها على الحاجة الساقعة

- طيب ما إحنا سألنا صاحب الكشك وقال إننا منسنهاش
...العمل أيه مش مهم الفلوس اللى جواها يا سيد زى مانت
عارف الورق اللى فيها مهم

- مى قالت فى نفسها ناس مش هممها الفلوس وناس محتاجة لأقل فلوس ومش لاقياها يا حبيبى يا بابا بجد مش عارفة هيعمل أيه فى المصاريف المطلوبة منه يا رب أنت عالم باللى أحنا فيه وأكد مش هتسانا

مى وقفت ع الكولدير اللى جنب البيت تشرب وفجأة لقت طرف أسود فوق الكولدير فاتشعلت علشان توصل للى فوق الكولدير وتشوف هو عبارة عن أيه ومدت أيدها وعارفين لقت أيه يا أصدقائى

يا نهار دى محفظة كبيرة جدا فتحتها مى لقت فيها بطاقة الأستاذ عادل اللى سمعته وهو بيتكلم مع صديقه سيد ومن غير تفكير جريت مى علشان تفرح الأستاذ عادل وتديله محفظته لكنها لمحتة ركب عربيته وجرى قبل ما توصل له.

مى فتحت المحفظة علشان تدور على أى معلومة تقدر توصل بيها لصاحب المحفظة ملقيتش غير عنوانه اللى فى البطاقة ولقت فى المحفظة فلوس كتير جدا وبسرعة أخذت المحفظة وراحت ع البيت تحكى لباباها اللى حصل

وعم عبد الحى قال لا حول ولا قوة الا بالله .. خدى يا أم مى
عنيها لحد مايبان لها صاحب

زعلت مى وقالت . لا يا والدى المحفظة دى مش لازم تبات
غير فى جيب صاحبها حد عارف يمكن يكون محتاجها
لشئ ضرورى ومين عارف الأمانة دى لو فضلت معانا أيه
اللى يجرى جايز تتسرق أو يضيع منها شئ ليه نتأخر فى
رد الأمانة وخير البر عاجله زى ما علمتى وزى ما علمتى
مدرسة الفصل

أبو مى قرب منها وباسها من جبينها وقال لها أنا كان لازم
أسميكى أمينة مش مى .. أنا حالا هروح ع العنوان اللى فى
البطاقة وأرد الأمانة لصاحبها

إبتسمت مى وقالتله خدى معاك يا بابا أنا اللى شفت
الحزن على وش الأستاذ عادل ونفسى أشوفه وهو سعيد
برجوع المحفظة وفعلا أبو مى أخذها وراح ع العنوان
ووصل الأمانة لصاحبها وشرحت له مى حكايتها من
إمبارح لحد ما لاقتها .. أنشرح صدر الأستاذ عادل لمى

وأمانتها. ومد أيده فى المحفظة وطلع مبلغ من اللى موجود
فى المحفظة وأداه لى رفضت مى وقالت أنت بتدينى تمن
رد الأمانة شكرا يا أستاذ عادل

أبتسم الأستاذ عادل وقال دى مش حسنة يا مى لا سمح
الله لكن ده حقك يا بنتى أنتى لكى عشرة فى المية زى
القانون مابقول

مى مدت إيدها فى خجل وأخذت المبلغ ولقته كتير جدا
فأخذت منه المصاريف اللى المفروض تدفعها للمدرسة
ورجعت الباقي للأستاذ عادل فتعجب من موقفها

-متستعجبش يا أستاذ عادل أنا فعلا مش محتاجة غير
المبلغ ده دلوقتى ولو أنا عارفة أن والدى معاه مصاريف
المدرسة ماكنتش مديت إيدي وأخذت المبلغ شكرا لىك يا
أستاذ عادل فأخذها والدها فى حضنه وبكى وقال ربنا
يخليكى يا بنتى ويقدرنى على أنى أخليكى ماتتحوجيش
لمخلوق

إبتسم الأستاذ عادل وقال

علشان أمانتك وقناعتك دى يا مى أنا هعينك يا عم عبد
الحى عندى فى شركتى أمين ع المخازن بمرتب كبير وده
لأنى عمرى ما هلاقى أأمن منك يحافظ لى على مالى وأكد
أمانة مى من مربى أمين يعرف مكارم الأخلاق

فرحت مى وأبوها وبسرعة روحوا ع البيت علشان يفرحوا
أمها وأخواتها بالخبر السعيد والرزق اللى جالهم بسبب
أمانة مى.



حكايات من الغابة



حبايبي الحلوين النهاردة ملك
الغابة كان قاعد فى عرينه بي فكر
فى أحوال الغابة وأزاي هو
مايستريحش أبدا من المشاكل

وقال لنفسه مادام الحمد لله النهاردة الأمن مستتب أخرج
أشم الهوا وفرصة أتفقد الغابة و أحوالها فأخذ زوجته
وأولاده يشموا الهوا بما إن أشغال ملك الغابة منتهية
ومفیش قضایا و مشاكل

شبل وليث أولاده أخذوا معاهم كرة جميلة علشان يلعبوا
بيها وسط الزرع والنجيله الخضرا

ولكن يظهر إن المشاكل وراه وراه ماهى المسئولية كدا
ياولاد حاجة مش سهلة وكل ما يكبر المنصب تكثر
المشاغل ولما كان ملك الغابة ماشى يتكلم مع زوجته
أسودة ويتناقش معاها فى أمور ومشاكل الأولاد لقى
وزتين واقفين يتخانقوا على بيضة الوزه البيضاء تقول دى
البيضة دى بتاعتى ومن حقى

- لا البيضاء دى من حقىبكت الوزه البيضاء
وأتوسلت للوزه الرصاصى أرجوكى سيبى لى بنتى
- لا دى مش من حقك دى البيضة دى بنتى أنا
ولما أشدت المعركة بين الوزتين وقف الأسد يشوف أيه
المشكلة

- أيه الدوشة دى يا وزه أنتى وهى الحكاية أيه
وبتخانقنى إنتى وهى ليه

ردت الوزه البيضاء وهى بتبكى ومش قادرة تحكى

ملك الغابة الحقتى يا ملك الغابة أنت اللى هتحكم بالحق

- أحكى يا وزه يا رصاصى على ماتهدى الوزه البيضاء
وتبطل عياط

- أنا أقولك يا ملك الحكاية من البداية للنهاية

أنا لوزة وهى زوزا وأحنا الأثنين عايشين فى عشة واحدة
وبيضنا فى البياضة اللى فى العشة جنب بعض والبيض
إتخلط ببعضه وإتكسر من خناق باقى الوز مع بعضه
مفضلش غير بيضة واحدة ودى بتاعتى ومن حقى

ردت زوزا وهى بتبكى لا والله يا جلالة الملك

إحنا فعلا بيضنا مع بعض لكن أنا لما إتكسر كل البيض
كان فاضل بيضة لسة هبيضها وده لأنها سبقتنى
بيومين ولما لقتنى بضت ضربتتى وقومتتى

- الكلام ده مضبوط يا لوزة

- يا ملك الغابة أوكدك إنها بنتى أنا

فكر الملك وبص للوزتين ولقى زوزا زعلانة أكثر على
بيضيتها ومن أول الخناقة بتبكى بحرقة علشانها
..وبسرعة فكر فى فكرة وقال ترضوا بحكمى

- طبعا يا مولاي

- سليم ..يا أسودة

- أمرك يا ملك الغابة

- أأمرى الحارس يجيب طبق فاضى وحجر صغير

- أمرك يا ملك الغابة

بصى يا وزه أنتى وهى أنا هحكم حكمين والأجابة
هتوضح لى الأم مين

مين فيكم مستعدة ننتف ريشها وندفى بيه بيضيتها؟

- ردت لوزة الدنيا برد يا مولاي وبدل مانتف الريش أرقد
ع البيضة فى العشة..والنتيجة مش هتبقى وحشة

- وأنتى يا زوزا

- أنا لأى شئ مستعدة ومستعدة حتى لنتف الريش
المهم أبنى اللى جوة البيضة يعيش

- مفيش حل تانى يا مولاي الأسد

- طبعا فيه

أحنا نكسر البيضة بالحجر ده ونقسمها نصين

واحدة تاخذ البياض والتانية الصفار

- ردت لوزة اللى تشوفه يا ملك الغابة

صرخت زوزا وقالت... لا. لا. لا يا ملك الغابة متكسرش

البيضة إديه لأمه لوزة ده مش إبنى

أبتسم الأسد وقال يا حراس أدوا البيضة للوزة زوزا

وأقبضوا على الوزة لوزة

بكت لوزة وقالت أنا عملت أيه يا ملك الغابة

أنتى يا لوزة مش أم البيضة والا ماكنتيش وافقتى إنا

نقسمها دا الضنا غالى

أما إنتى يا زوزا فعلا الأم الحقيقية كنتى عايزة تضحى

بريشك وبيضتك علشان اللى جواها يعيش ودا أكبر دليل

على أنك أنتى الأم الحقيقية .

وأخذت زوزا بيضيتها وجريت فرحانة على عشتها

وحكم الأسد تنتقل لوزة لعشة تانية غير عشتها


ونفياها كان جزاءها نظير عملتها

وأبتسم الأسد لأولاده ولأسودة مراته وقال إن مفيش عنده

أغلى من عيلته ولا أعز من أولاده

وبكدا يا أحبائى أحنا فهمنا وأتأكدنا أن مفيش

أجمل من حنان الأم فى كل المخلوقات.



محتوى الكتاب

2	بطاقة الكتاب
3	الصدق منجى
8	الإحسان
13	النظافة
18	وردة ريم
21	توته وعرايسها
25	أمانة مى
32	حكايات من الغابة
39	محتوى الكتاب

تمت بحمد الله
مع تحيات
ماما سهام عثمان